



(Der Endkrist)

s3<sup>v</sup>

- 1 Sidt ich den fürloß han gethon
- 2 Von denen die mit falsch vmbgon
- 3 So fynd ich noch die rechten knaben
- 4 Die by dem narren schiff vmb traben
- 5 Wie sie sich / vnd sunst vil betriegen
- 6 Die heilig gschrift krümmen / vnd byegen
- 7 Die gent dem glouben erst eyn büff
- 8 Vnd netzen das bapyren schyff
- 9 Eyn yeder etwas risßt dar ab
- 10 Das es dest mynder bort me hab
- 11 Rûder / vnd ryemen nymbt dar von
- 12 Das es dest ee mōg vndergon /
- 13 Vil sint jn jrem synn so klûg
- 14 Die dunckent sich syn witzig gnûg
- 15 Das sie vß eygner vernunfft jnfall
- 16 Die heilig gschrift vß legen all /
- 17 Dar an sy fâlen doch gar offt
- 18 Vnd würt jr falsche ler gestrofft
- 19 Dann sie vß andern gschriften wol
- 20 (Der allenthalb die welt ist vol)
- 21 Mōchten sunst vnder richten sich
- 22 Wann sie nit wolttten sunderlich
- 23 Gesehen syn / für ander lüt
- 24 Do mit verfert das schiff zû zyt /
- 25 Die selben man wol druncken nennt
- 26 Das sie die worheit hant erkent
- 27 Vnd doch das selb vmbkeren gantz
- 28 Do mit man sâh jrn schyn / vnd glantz /
- 29 Das sint falscher propheten ler
- 30 Vor den sich hûten heißt / der herr

31 Die anders die geschriff vmb keren  
 32 Dann sie der heilig geist selb düt leren  
 33 Die hond eyn falsch wog jnn der hend  
 34 Vnd legen druff / als das sie wendt  
 35 Machent eyns schwär / das ander lycht  
 36 Do mit der gloub yetz vast hyn zücht  
 37 Jnn mitt wir der verkerten ston /  
 38 Jetz regt sich vast der scorpion  
 39 Durch sollch anreytzer / von denen hett  
 40 Geseyt Ezechiel der prophet  
 41 Die vberträtter des gesatz  
 42 Die sūchen dem endkryst syn schatz  
 43 Das er hab etwas vil entvor /  
 44 Wann schyer verlouffen sint syn jor  
 45 Vnd er vil hab die by jm ston  
 46 Vnd mit jm jnn syn falscheyt gon /  
 47 Der würt er han vil jnn der welt  
 48 Wann er vß teylen würt syn gelt  
 49 Vnd all syn schätz würt fürhar bringen  
 50 Darff er nit vil mit streichen zwingen  
 51 Das merteyl würt selbs zů jm louffen  
 52 Durch gelt würt er vil zů jm kouffen  
 53 Die helfen jm das er dann mag  
 54 Die gūten bringen alle tag /  
 55 Doch werden sie die leng nit faren  
 56 Jnn würt bald brechen schiff / vnd karren  
 57 Wie wol sie faren vmb vnd vmb  
 58 Vnd würt die worheynt machen krumb  
 59 So würt zů letst doch worheynt bliben  
 60 Vnd würt jr falscheit gantz vertriben

f iiij

---

51 jm GW5046 GW5047 ] jnn GW5041

61 Die yetz vmbfert jnn allem standt  
 62 Jch vörcht das schiff kum nym zů landt  
 63 Sant Peters schifflin ist jm schwangk  
 64 Jch sorg gar vast den vndergangk  
 65 Die wällen schlagen all sytt dran  
 66 Es würt vil sturm vnd plagen han  
 67 Gar wenig worheyt man yetz hört  
 68 Die heilig gschrift würt vast verkört  
 69 Vnd ander vil yetz vß geleitt  
 70 Dann sie der munt der worheyt seyt  
 71 Verzych mir recht wân ich hie triff  
 72 Der endkryst sytzt jm *grossen* schiff  
 73 Vnd hat syn bottschafft vß gesandt  
 74 Falscheyt verkünt er / durch all landt  
 75 Falsch glouben / vnd vil falscher ler  
 76 Wachsen von tag zů tag ye mer  
 77 Dar zů / dünt drucker yetz gůt stür  
 78 Wann man vil bůcher würff jnns für  
 79 Man brant vil vnrecht falsch dar jnn  
 80 Vil trachten alleyn vff gewynn  
 81 Von aller erd sie bůcher sůchen  
 82 Der correctur sie wenig růchen  
 83 Vff groß beschisß vil yetz studieren  
 84 Vil drucken / wenig corrigyeren  
 85 Sie lůgen übel zů den sachen  
 86 So sie mennlin / vmb mennlin machen  
 87 Sie dünt jnn selber schad / vnd schand  
 88 Mancher der druckt sich vß dem land /  
 89 Die mag das schiff dann nit getragen  
 90 Sie müssen an den narren wagen  
 91 Das eyner tůg den andern jagen /

---

72 *grossen* ] *grossem* GW5046 82 sie GW5046 GW5047 ] etlich GW5041 89 nit GW5046  
 GW5047 ] nim GW5041

92 Die zyt die kumt / es kumt die zyt  
 93 Jch vörcht der endkryst sy nit wyt  
 94 Das man das merck / so nãm man war  
 95 Vff dry ding / vnser gloub stat gar  
 96 Vff apploß / bûcher / vnd der ler /  
 97 Der man yetz gantz keyns achtet mer /  
 98 Die vile der gschrift / spürt man do by  
 99 Wer merckt die vile der truckery  
 100 All bûcher synt yetz fürher bracht  
 101 Die vnser eltern ye hant gmacht  
 102 Der sint so vil yetz an der zal  
 103 Das sie nütz gelten vberal  
 104 Vnd man jr schyer nüt achtet mer /  
 105 Des glichen ist es mit der ler /  
 106 So vil der schûlen man nye fand  
 107 Als man yetz hat jn allem land /  
 108 Es ist schyer nyenan statt vff erd  
 109 Do nit eyn hohe schûl ouch werd  
 110 Do werden ouch vil gelerter lütt  
 111 Der man doch yetz gantz achtet nüt  
 112 Die kunst verachtet yederman  
 113 Vnd sicht sie über die achseln an  
 114 Die gelerten müssen sich schier schammen  
 115 Jr ler / vnd kleyt / vnd jres namen  
 116 Man zücht die buren yetz har für  
 117 Die gelerten müssen hynder die thûr  
 118 Man spricht schow / vmb den schluderaffen  
 119 Der tûfel beschißt vnß wol mit pfaffen  
 120 Das ist eyn zeychen / das die kunst  
 121 Keyn ere me hat / keyn lieb / noch gunst

---

98 vile GW5041 GW5046 ] wile GW5047

122 Do mit würt ab gon bald die ler  
 123 Dann kunst gepyset würt durch ere /  
 124 Vnd wann man jr keyn ere düt an  
 125 So werden wenig dar noch stan /  
 126 Der abblos ist so gantz vnwärt  
 127 Das nyeman dar noch frogt noch gärt  
 128 Nyeman will me den abbloß sūchen  
 129 Jo mancher wolt jn jm nit flūchen  
 130 Mancher gāb nit eyn pfenning vß  
 131 So jm der abbloß kumbt zū huß  
 132 Vnd würt jm dar zū kumen doch  
 133 Er reycht jnn verrer dann zū Och /  
 134 Dar vmb es vnß glich also gat  
 135 Als denen / mit dem hymelbrot  
 136 Die woren des so gar vrtrütz  
 137 Sie sprochen / es wer jnn vnnütz  
 138 Jr sel / vnwillen dar ab hett  
 139 Vnd machten dar vß eyn gespött /  
 140 Als düt man mit dem abblos ouch  
 141 Der würt veracht / durch manchen gouch /  
 142 Dar vß nym ich mir eyn bericht  
 143 Jetz stünd der gloub glich wie eyn liecht  
 144 Wann das will gantz verfahren hyn  
 145 So gibt es erst eyn glantz / vnd schyn /  
 146 Das ich es frylich sagen mag  
 147 Es nah sich vast / dem jungsten tag  
 148 Sidt man das lyecht der gnad veracht  
 149 So würt es bald gantz werden nacht  
 150 Des glichen vor nye würt gehört  
 151 Das schiff den boden vast vmbkört

---

123 ere GW5041 GW5046 ] er GW5047 133 Och GW5041 GW5046 ] Ach GW5047